

Приложение 1. Сводная информация о богослужебных особенностях некоторых дней

Дата	Событие	Регламентирующий документ	Указания
9 мая / 26 апреля	Поминование усопших в день победы	<p>Архиерейский Собор 1994 г.                      Определение «Об установлении особого ежегодного поминовения усопших в день победы 9 мая (26 апреля)»</p> <p>Циркулярное письмо № 4533 от 04.05.2010 г.</p>	<p>Установить особое ежегодное поминовение усопших — воинов, за веру, Отечество и народ жизнь свою положивших, и всех страдальчески погибших в годы Великой Отечественной войны — в день Победы 9 мая нового стиля (26 апреля старого стиля).</p> <p>Вести особое ежегодное литургическое поминовение, приуроченное к празднованию Дня Победы в <u>следующем порядке</u>:</p> <ul style="list-style-type: none"> <li>• Во время служения Божественной литургии 9 мая на заупокойной ектении ввести особые прошения «о вождех и воинах...» (см. приложение 2)</li> <li>• По окончании литургии служить благодарственный молебен Господу Богу за дарование Победы в Великой Отечественной войне 1941-1945 годов.</li> <li>• По завершении молебна служить заупокойную литию о почивших воинах.</li> </ul>
28/15 июля	День памяти святого равноапостольного князя Владимира	<p>Архиерейский Собор 2008 г.                      Определение «О единстве Церкви».</p> <p>Циркулярное письмо № 01/5225 от 14.07.2011 г.</p>	<p>В память о величайшем событии нашей общей истории — Крещении Руси — в день святого равноапостольного князя Владимира 15/28 июля следует <u>совершать богослужение по уставу великого праздника</u>, воздавая должную честь крестителю Руси.</p> <p>В этот памятный день надлежит ежегодно совершать торжественные богослужения во всех храмах Русской Православной Церкви с совершением по окончании Литургии <u>молебна по особому чину</u> (см. приложение 2).</p>

<p>11 сентября / 29 августа</p>	<p>День памяти Усекновения главы Иоанна Предтечи</p>	<p>ЖУРНАЛЫ заседания Священного Синода от 25 июля 2014 года. Журнал №80</p>	<p>Восстановить ежегодное празднование Дня трезвости 11 сентября (29 августа), в день памяти Усекновения главы Иоанна Предтечи, и рекомендовать архиереям и духовенству в этот день:</p> <ul style="list-style-type: none"> <li>• посвящать проповедь раскрытию важности сохранения трезвенного образа жизни;</li> <li>• <u>совершать Молебное пение о страждущих недугом винопития</u> (см. приложение 2);</li> <li>• по возможности, во взаимодействии с государственными и общественными организациями, осуществлять публикации и проводить мероприятия, направленные на поддержание трезвого образа жизни.</li> </ul>
<p>Воскресный день, предшествующий 19/6 сентября, 8 июля / 25 июня</p>	<p>День памяти святых благоверных князя Петра, в иночестве Давида, и княгини Февронии, в иночестве Евфросинии, Муромских чудотворцев</p>	<p>ЖУРНАЛЫ заседания Священного Синода от 25-26 декабря 2012 года. Журнал №129 Циркулярное письмо №01/3192 от 26.07.2013 г.</p>	<p>В эти дни следует за Божественной литургией присоединять к сугубой ектении следующие прошения:</p> <ul style="list-style-type: none"> <li>• Еще молимся да хранят люди Твои заповедь сию: еже Бог сочета, человек да не разрушает, и даруется домашним их церквам несокрушимая крепость и преспеяние в любви нелицемерней;</li> <li>• Еще молимся о сохранении супружества рабов Твоих в мире и единомыслии, благочестии и чистоте;</li> <li>• Еще молимся да возвеселятся люди твоя видением сынов и дочерей, и да умножится народ наш и благословение Твое наследуется в нем в род и род.</li> </ul>

		<p>ЖУРНАЛЫ заседания Священного Синода от 29 мая 2013 года. Журнал №58, Циркулярное письмо №01/3192 от 26.07.2013 г.</p>	<p>Ввести утвержденный текст молитвы святым благоверным Петру и Февронии в богослужбное употребление. Совершать молитву святым супругам по окончании Божественной литургии в дни их памяти (см. приложение 2).</p>
<p>Третье воскресенье ноября</p>	<p>Всемирный день памяти жертв дорожно-транспортных происшествий.</p>	<p>Циркулярное письмо б/н от 15.11.2013 г.</p>	<p>Ежегодно в <u>третье воскресенье ноября</u> отмечается Всемирный день памяти жертв дорожно-транспортных происшествий. В этот день необходимо <u>совершать панихиду о всех трагически погибших в результате автомобильных катастроф ...</u> Заупокойное поминовение следует совершать в кафедральных соборах епархий по окончании Божественной литургии.</p>
<p>Великая Суббота</p>	<p>О мире на Святой Земле</p>	<p>Циркулярное письмо №01/1616 от 04.04.2014 г.</p>	<p>В Великую Субботу Русская Православная Церковь участвует в ежегодной всеправославной молитве о мире на Святой Земле. В связи этим во всех храмах <u>по окончании Божественной литургии Великой Субботы следует возносить особую молитву (см. приложение 2)</u></p>

*Приложение 2. Богослужбные последования и молитвы*

**Особые заупокойные прошения  
в день Победы в Великой Отечественной войне**

**На ектении и в молитве «Боже духов:»**

Еще молимся о упокоении душ приснопамятных вождей и воинов за веру и Отечество на поля брани жизнь свою положивших, от ран и глада скончавшихся, в пленении и горьких работах невинно умученных и убиенных и всех Победы ради потрудившихся, и о еже простится им всякому прегрешению вольному и невольному.

**При возглашении вечной памяти:**

Во блаженном успении вечный покой подаждь, Господи, усопшим рабам Твоим, приснопамятным вождем и воином за веру и Отечество на поля брани жизнь свою положившим, от ран и глада скончавшимся, в пленении и горьких работах невинно умученным и убиенным и всем Победы ради потрудившимся, и сотвори им вечную память.

Молебное пение  
в праздник святого равноапостольного князя Владимира — воспоминания  
Крещения Руси

Протодиакон: Благослови, Владыко.

Предстоятель: Благословен Бог наш всегда, ныне и присно, и во веки веков.

Лик: Аминь.

Протодиакон: Слава Тебе, Боже наш, слава Тебе.

Лик: Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

И возглашает протодиакон:

Бог Господь и явися нам, благословен Грядый во Имя Господне.

Стих: Исповедайтесь Господеви, яко Благ, яко в век милость Его.

Стих: Обышедше, обыдоша мя, и Именем Господним противляхся им.

Стих: Не умру, но жив буду и повем дела Господня.

Стих: Камень, егоже небрегоша зиждушии, сей бысть во главу угла: от Господа бысть сей и есть дивен во очесех наших.

Лик: Бог Господь... во глас 4

Таже тропарь Живоначальной Троице, глас 8:

Благословен еси, Христе Боже наш,/ Иже премудры ловцы явлей,/ ниспослав им Духа Святаго,/ и теми уловлей вселенную,/ Человеколюбче слава Тебе.

Тропарь Всем святым, в Земли Русстей просиявшим, глас тойже:

Якоже плод красный Твоего спасительного сеяния,/ Земля Русская приносит Ти, Господи, вся святая, в той просиявшая./ Тех молитвами в мире глупоце/ Церковь и страну нашу Богородицею соблюди, Многомилостиве.

Тропарь Крещения Руси, глас тойже:

Благословен еси, Христе Боже наш,/ Землю Русскую Крещением просветивый,/ людем ея низпослав Духа Святаго,/ ихже и ко спасению приведый,/ Человеколюбче, слава Тебе.

Тропарь равноапостольному князю Владимиру, глас 4:

Уподобился еси купцу ищущему добраго бисера,/ славнодержавный  
Владимире,/ на высоте стола седя матере градов,/ Богоспасаемаго Киева,/   
испытуя же и посылая к Царскому граду/ уведети православную веру,/ обрел  
еси безценный бисер, Христа,/ избравшаго тя, яко втораго Павла,/ и  
оттрясшаго слепоту во святей купели, душевную вкупе и телесную./ Темже  
празднуем твое успение, людие твои суще:/ моли спастися душам нашим.

Запевы:

Пресвятая Троице, Боже наш, слава Тебе.

Вси святии земли наша, молитесь Бога о нас.

Святый равноапостольный великий княже Владимире, моли  
Бога о нас.

Слава Отцу и Сыну и Святому Духу.

И ныне и присно, и во веки веков. Аминь.

Таже:

Прокимен, глас 4: Вознесох избраннаго от людей Моих.

Стих: Ибо рука Моя заступит его, и мышца моя укрепит его.

Протодиакон: И о сподобитися нам слышанию святаго Евангелия,  
Господа Бога молим.

Лик: Господи, помилуй (трижды).

Протодиакон: Премудрость, прости, услышим святаго Евангелия.

Предстоятель: Мир всем.

Лик: И духови твоему.

Предстоятель: От Матфея святаго Евангелия чтение.

Лик: Слава Тебе, Господи, слава Тебе.

Протодиакон: Вонмем.

Предстоятель четет Евангелие от Матфея, зачало 55.

Лик: Слава Тебе Господи, слава Тебе.

Запевы:

Пресвятая Троице, Боже наш, слава Тебе.

Вси святии земли нашея, молити Бога о нас.

Святыи равноапостольный великий княже Владимире, моли Бога о нас.

Слава Отцу и Сыну и Святому Духу.

И ныне и присно, и во веки веков. Аминь.

Посем:

Достойно есть, яко воистину, блажити Тя, Богородицу, Присноблаженную и Пренепорочную и Матерь Бога нашего, Честнейшую херувим и Славнейшую без сравнения серафим, без истления Бога Слова рождшую, сущую Богородицу Тя величаем.

И глаголет протодиакон ектению:

Помилуй нас, Боже, по велицей милости Твоей, молим Ти ся, услыши и помилуй.

Лик: Господи, помилуй (трижды).

Еще молимся о великом господине и отце нашем Святейшем Патриархе Кирилле и о всей во Христе братии нашей.

Лик: Господи, помилуй (трижды).

Благодаряще со страхом и трепетом, яко раби непотребнии, Твоему благоутробию, Спасе и Владыко наш, Господи, о Твоих благодеяниях, яже изливал еси на Землю нашу от Крещения ея и до ныне, и припадаем, и славословие Тебе, яко Богу, приносим, и умиленно вопием: избави от всех бед люди Твоя и всегда, яко Милостив, исполни во благих прошения наша, прилежно молимся Тебе, услыши и помилуй.

Лик: Господи, помилуй (трижды).

Еще молимся Тебе, Спасителю нашему, чрез благоверного князя Владимира благоволившему избрати род наш в наследие Свое и в купели Крещения даровати Духа Святаго, о еже Церковь нашу Святую от расколов и нестроений соблюсти, и в единомыслии веры ея утвердити, и миром оградити, услыши и помилуй.

Лик: Господи, помилуй (трижды).

Еще молимся Тебе, Господи Вседержителю, о еже призрети и утвердити виноград сей, егоже насади и сохрани от всех наветов вражиих десница Твоя; и в предняя лета даруй наследию Твоему мир и безмятежие, да не умалится и не поколеблется Русь Святая, юже избрал еси в жилище Себе, да славится Трисвятое Имя Твое, услыши и помилуй.

Лик: Господи, помилуй (трижды).

Давый заповедь Твою нам, еже любити Тебе, Бога нашего, и ближняго своего, сотвори, да ненависти, вражды, обиды и прочая беззакония прекратятся, истинная же любовь да царствует в сердцах наших, молим Ти ся, Спасителю наш, услыши и милостивно помилуй.

Лик: Господи, помилуй (трижды).

Предстоятель: Услыши ны, Боже, Спасителю наш, упование всех концов земли и сущих в мори далече, и милостив, милостив буди, Владыко, о гресех наших, и помилуй ны. Милостив бо и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно, и во веки веков.

Лик: Аминь.

Протодиакон: Господу помолимся.

Лик: Господи, помилуй.

Предстоятель четет молитву:

Триипостасный Боже, Отче Вседержителю, Сыне Единородный, Спасителю мира, и Душе Святой, просвещающей и освящающей племена и народы! Иже и владыку Земли Русския, князя Владимира, к свету истинныя веры наставивый, и тем всю страну нашу Крещением просветивый, и сонмом святых, яко пресветлым звездам, небо Церкви нашея украсившим, возсияти даровавый! И нам, смиренным и недостойным чадом их, ныне предстоящим славе Твоей и благодарственное молебное пение приносящим в сей [тысящелетный] день Крещения Руси, великую милость даровавый, еже славити, хвалити и благодарение приносить Тебе за вся благодеяния, бывшая на Руси от лет древних и до ныне. Призри на ниву Твою, Церковь Святую, на страны и народы, преемственно восприявша веру православную из единой купели Крещения в водах днепровских и ныне приносящих Тебе, якоже прекрасный плод спасительнаго сеяния Слова Твоего, лики святых. Тии бо послужиша людям своим верою, надеждою и любовию, образом слова и жития указующе нам путь к совершенству по заповеди Христовой: будите убо совершени, яко же и Отец ваш Небесный совершен есть. Сохраняюще сие святое наследие их, молимся Ти, Жизнодавче: спаси и помилуй нас, мир миру Твоему даруй и всему созданию Твоему, егоже по грехом нашим сыны века сего погубити тщатся. Вемы бо, яко не хочещи смерти грешников, но еже обратитися и живым им быти; призри на нас, во гресех пребывающих, отврати гнев Твой, праведно движимый на ны, даруй нам покаяние и Твоим неизреченным милосердием помилуй нас. Приими молитвы и труды наша о умножении любве среди всех людей мира сего. Землю нашу огради, власти умудри, вся утеши и умири, Церковь Твою возрасти, достояние Твое соблюди, мужи и жены, и младенцы благодатию просвети, и вся люди Твоя в

Православии и благочестии утверди молитвами Пречистой Владычицы нашей Богородицы и Приснодевы Марии, силою Честнаго и Животворящаго Креста и Всех святых, в Земли нашей просиявших, да в единении веры и любви славим Тя, Отца и Сына и Святаго Духа, во веки веков.

Лик: Аминь.

Величание:

Величаем тя, святой равноапостольный великий княже Владимире, и чтим святую память твою, идолы поправшаго и всю землю Русскую Святым Крещением просветившаго.

Протодиакон: Премудрость.

Священник: Пресвятая Богородице, спаси нас.

Лик: Честнейшую херувим и славнейшую без сравнения серафим, без истления Бога Слова рождшую, сущую Богородицу Тя величаем.

Священник: Слава Тебе, Христе Боже, упование наше, слава Тебе.

Лик: Слава Отцу и Сыну и Святому Духу, и ныне и присно, и во веки веков. Аминь. Господи, помилуй (трижды). Благослови.

Предстоятель творит отпуст.

И по отпусте абие глаголет протодиакон многолетие:

Великому господину и отцу нашему Кириллу, Святейшему Патриарху Московскому и всея Руси и Свято-Троицкия Сергиевы Лавры священноархимандриту, богохранимей стране нашей, властем, воинству и народам ея, всему освященному собору, благочестия ревнителем и учителем, и всем во Православии Земли нашей подвигающимся словом, писанием, учением и богоугодным житием, и всем православным христианом — многая лета.

Лик: Многая лета (трижды).

Молебное пение  
о страждущих недугом винопития или наркомании

Иерей начинает: Благословен Бог наш:

Чтец: Царю Небесный: Трисвятое. Отче наш: Господи, помилуй, 12 раз.  
Слава, и ныне: Приидите, поклонимся:

И псалом 26:

Господь просвещение мое и Спаситель мой, кого убоюсь? Господь Защититель живота моего, от кого утрашуся? Внегда приближаться на мя злобующим, еже снести плоти моя, оскорбляющим мя, и врази мои, тии изнемогоша и падоша. Аще ополчится на мя полк, не убоится сердце мое, аще встанет на мя брань, на Него аз уповаю. Едино просих от Господа, то възыщу: еже жити ми в дому Господни вся дни живота моего, зрети ми красоту Господню и посещати храм святой Его. Яко скры мя в селении Своем в день зол моих, покры мя в тайне селения Своего, на камень вознесе мя. И ныне се вознесе главу мою, на враги моя: обыдох и пожрох в селении Его жертву хваления и воскликновения, пою и воспую Господеви. Услыши, Господи, глас мой, имже возвах: помилуй мя и услыши мя. Тебе рече сердце мое: Господа възыщу. Взыска Тебе лице мое, лица Твоего, Господи, възыщу. Не отврати лица Твоего от мене и не уклонися гневом от раба Твоего: помощник мой буди, не отрини мене, и не остави мене, Боже Спасителю мой. Яко отец мой и мати моя остависта мя, Господь же восприят мя. Законоположи ми, Господи, в пути Твоем и настави мя на стезю правую враг моих ради. Не предаждь мене в души стужающих ми, яко восташа на мя свидетеле неправеднии и солга неправда себе. Верую видети благая Господня на земли живых. Потерпи Господа, мужайся и да крепится сердце твое, и потерпи Господа.

Слава, и ныне: Аллилуиа, аллилуиа, аллилуиа, слава Тебе, Боже. Трижды.

Таже ектения:

Миром Господу помолимся.

Лик: Господи, помилуй.

О свышнем мире:

Лик: Господи, помилуй.

О мире всего мира: И прочее.

О еже призрети милостивно на рабов Своих имярек, страждущих душею и телом, и разрешити их от уз смертоносных страсти, Господи помилуй.

О еже избавити от пагубных страсти винопития (или: наркомании) и соблюсти спасительным страхом в чистоте, воздержании и правде души страждущих рабов Своих имярек, Господу помолимся.

О еже посетити рабов Своих имярек благодатию Святаго Духа, и избавити их от греха сего, в них гнездящагося, Господу помолимся.

О еже низпослати рабом Своим имярек духа премудрости и разума и всадити в сердца их страх божественный, Господу помолимся.

О еже подати им силу препобедити пагубную страсть и припасти к Богу в покаянии, да причастницы благ вечных будут, Господу помолимся.

О сродницех их и знаемых, плачущих и болезнующих, чающих Христова утешения, и о еже прияти молитвы их и воздыхания, Господу помолимся.

О избавитися имже и нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Преблагословенную, славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

Возглас: Яко милостив и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Лик: Аминь.

Таже, Бог Господь: и тропарь, глас 4:

Скорый в заступлении един сый, Христе,/ скорое свыше покажи посещение страждущим рабом Твоим,/ избави их от недуг и страстей,/ приведи их ко спасительному воздержанию/ и воздвигни к жизни вечней в любви к Тебе,/ во еже пети Тя и славити непрестанно,// молитвами Богородицы, едине Человеколюбче.

Слава и ныне, глас тойже:

*(Тропарь иконе Божией Матере «Неупиваемая Чаша»):*

Днесь притецем вернии,/ к божественному и пречудному образу Пресвятыя Богоматере,/ напаяющия верных сердца/ небесною Неупиваемою Чашею Своего милосердия,/ и людем верным чудеса показующия,/ яже мы видяще и слышаще,/ духовно празднуем и тепле вопием:/ Владычице Премилостивая,/ исцели наша недуги и страсти,/ молящи Сына Твоего, Христа Бога нашего,//спасти души наша.

Прокимен, глас 4: Тамо бо рука Твоя наставит мя, и удержит мя десница Твоя. Стих: Яко Ты создал еси утробы моя, восприял мя еси из чрева матере моея.

Ко Ефесеem послание святаго апостола Павла чтение:

[глава 5, стихи 8-21]

Братие, яко чада света ходите: Плод бо духовный есть во всякой благостыни, и правде, и истине. Искушающе, что есть благоугодно Богови. И не приближайтесь к делом неплодным тьмы, паче же и обличайте. Бываемое бо отай от них, срамно есть и глаголати. Вся же обличаемая от света,

являются: все бо являемое свет есть. Сего ради глаголет: востани, спяй, и воскресни от мертвых, и осветит тя Христос. Блюдайте убо, како опасно ходите, не якоже немудри, но якоже премудри: Искупующе время, яко дние лукави суть. Сего ради не бывайте несмысленни, но разумевающе, что есть воля Божия: И не упивайтесь вином, в немже есть блуд: но паче исполняйтесь духом, глаголюще себе во псалмех и пениих, и песнях духовных, воспевающе и поюще в сердцах ваших Господеви.

Аллилуиа, глас 4: Стих: Помощь моя от Господа, сотворшаго небо и землю. Стих: Изведи из темницы душу мою.

Евангелие от Луки: [глава 8, стихи 26-39]

Во время оно прииде Иисус во страну Гадаринску, яже есть об он пол Галилеи. Изшедшу же Ему на землю, срете Его муж некий от града, иже имяше бесы от лет многих, и в ризу не облачашеся, и во храме не живяше, но во гробех. Узрев же Иисуса, и возопив, припаде к Нему, и гласом велиим рече: что мне и Тебе, Иисусе, Сыне Бога Вышняго; молюся Ти, не мучи мене. Повеле бо духови нечистому изыти от человека: от многих бо лет восхищаше его: и вязаху его узы железны и путы, стрегуще его: и растеразая узы, гонимь бываше бесом сквозе пустыни. Вопросы его Иисус, глаголя: что ти есть имя? Он же рече: легеон: яко беси мнози внидоша вонь. И моляху Его, да не повелит им в бездну ити. Бе же ту стадо свиний много пасомо в горе: и моляху Его, да повелит им в ты внити, и повеле им. Изшедше же беси от человека, внидоша во свиния, и устремися стадо по берегу в озеро, и истопе. Видевше же пасущии бывшее, бежаша, и возвестиша во граде и в селех. Изыдоша же видети бывшее: и приидоша ко Иисусови, и обретоша человека сидяща, из негоже беси изыдоша, оболчена и смысляща, при ногу Иисусову, и убояшася. Возвестиша же им видевшии, како спасеся бесновавыйся. И моли Его весь народ страны Гадаринския отыти от них, яко страхом велиим одержими бяху. Он же влез в корабль возвратися. Моляшеся же Ему муж, из негоже изыдоша беси, дабы с Ним был. Отпусти же его Иисус, глаголя: возвратися в дом твой, и поведай, елика ти сотвори Бог. И иде по всему граду проповедавая, елика сотвори ему Иисус.

Таже ектения сугубая:

Помилуй нас, Боже:

Лик: Господи помилуй, трижды.

Еще молимся о велицем Господине:

Лик: Господи помилуй, трижды.

Еще молимся о Богохранимем стране нашей:

Лик: Господи помилуй, трижды.

Не хотяй смерти грешных, но еже обратится и живым им быти, пощади и помилуй рабов Твоих имярек, исцели болезни, уврачуй страсти

душ и телес их, и, яко благосерд, прости им вся прегрешения вольная и невольная и скоро воздвигни их от пути погибели, молим Ти ся, услыши и помилуй.

Лик: Господи помилуй, трижды.

Призри, Господи, милостивно на рабы Твоя имярек, порабощенныя пагубною страстию, даруй им познати сладость воздержания и произрастающих от него плодов духовных, молим Ти ся, услыши и помилуй.

О еже пощадити рабов Твоих имярек, и простити им всякое прегрешение вольное и невольное, показати на них великую Твою милость, избавити от греховнаго пленения и насилия диавольскаго, молим Ти ся, услыши и помилуй.

О еже не умрети рабом Твоим имярек лютою смертию, но оживотворитися Кровию Твоею Честною и исцелитися от горести, еюже их сопротивник напои, молимся Тебе, Врачу душ и телес, услыши и милостивно помилуй.

Яко бесноватаго страны Гадаринския божественною силою от насилия диавольскаго свободивый, исцели рабов Твоих имярек, люте страждущих, молим Ти ся, услыши и помилуй.

Возглас: Услыши ны, Боже Спасителю наш, упование всех концов земли, и сущих в мори далече, и милостив, милостив буди, Владыко, о гресех наших, и помилуй ны: милостив бо и Человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Лик: Аминь.

#### Молитва

Владыко Господи, сотворивый человека по образу Твоему и по подобию, и Духа Святаго тому даровавый! Избави падшее создание Твое от работы вражия, отверзи ему двери покаяния, ангела светла последи ему, избавляюща от всякаго навета вражия. Услыши, Боже, припадающих к Тебе в скорби и печали и не отврати лица Твоего от одержимых пагубною страстию винопития [или: наркомании], но даждь им крепость, надежду, веру, произволение благое утверди и приведи их ко спасительному воздержанию, попали терние согрешений вольных и невольных, да вселится в них благодать Твоя, просвещающая и очищающая всего человека. Исцели их от тяжкаго недуга пьянства [или наркомании], свободи от омрачения духовнаго и окаменения сердечнаго. Даруй им здравие душевное и телесное, направи на путь трудолюбия и благочестия. Услыши, Милостивый Господи, вопль родителей и сродников, плачущих о чадах и ближних своих. Твое бо есть еже миловати и спасати ны, Боже наш, и Тебе славу возсылаем, Отцу, и Сыну, и Святому Духу, ныне и присно, и во веки веков.

Лик: Аминь.

Отпуст.

Христос, истинный Бог наш, молитвами Пречистыя Своея Матери, силою Честнаго и Животворящего Креста, молитвами святого мученика Вонифатия и преподобныя Марии Египетския...

Молитва святым благоверным Петру и Февронии для включения в богослужебные последования и прочтения по окончании Божественной литургии в дни памяти святых супругов

О, величии угодницы Божии и предивнии чудотворцы, благовернии княже Петре и княгине Февроние, града Мурома предстатели, честного брака хранители и о всех нас усерднии ко Господу молитвенницы!

Вы во дни земного жития вашего образ благочестия, христианския любви и верности друг ко другу даже до гроба явили есте и тем законное и благословенное супружество прославили есте.

Сего ради к вам прибегаем и молимся со усердием крепким: принесите за нас, грешных, святых молитвы ваша ко Господу Богу, и испросите нам вся благопотребная душам и телесем нашим: веру праву, надежду благу, любовь нелицемерну, благочестие непоколебимое, в добрых делах преуспеяние\*, наипаче же союзом брачным сочетавшимся даруйте молитвами вашими целомудрие, друг ко другу любовь в союзе мира, единомыслие душ и телес, ложе ненаветное, пребывание незазорное, семя долгожизненное, о чадах благодать, дома исполнены благостыни и в жизни вечней неувядаемый венец славы Небесных.

Ей, чудотворцы святии! Не презрите молитв наших, со умилением вам возносимых, но будьте приснии заступницы наши пред Господем и сподобите нас предстательством вашим спасение вечное получитьи и Царствие Небесное наследовати, да славословим неизреченное человеколюбие Отца и Сына и Святаго Духа, в Троице покланяемаго Бога, во веки веков. Аминь.

*\* если молебен совершается для готовящихся вступить в брак, то молитва читается в следующей редакции:*

наипаче же хотящим союзом брачным сочетатися даруйте молитвами вашими целомудрие, друг ко другу верность и любовь в союзе мира, единомыслие душ и телес, пребывание незазорное и в жизни вечней неувядаемый венец славы Небесных.

### Молитва о мире на Святой Земле

Господи, Иисусе Христе, Боже наш, Крест претерпевый и смерть, спасения ради рода человеческого, во ад сошедый, тридневное погребение приемый, смерть поправый, диавола упразднивый и разрушивый вражды средостение, прими молитву смиренных раб Твоих, купно с Давидом псалмопевцем Тебе вопиющих о мире Святаго Сиона, Престола Царя Великаго, Матере Церквей, Преславнаго Иерусалима.

Мир даровавый роду человеческому, угаси всяку распрю и раздоры во Святей Земли, умири злобу враждующих, благослови притекающих ныне ко Гробу Твоему Живоприемному, и нас тому мысленно поклоняющихся, исходящим от сего светом Лица Твоего озари.

Пламенем любви распали к Тебе сердца наша, Христе Боже, да тою воспламеняеми, сердцем, мыслию же и душою, и всею крепостию нашею возлюбим Тя, и искренняго своего.

Яко Ты еси мир наш, и Тебе славу возсылаем, со Безначальным Твоим Отцем, и Всесвятым и Благим и Животворящим Твоим Духом, ныне и присно, и во веки веков. Аминь.